

Composition of Mfatlha Tribe, its clans and sections
Kgoro tse dingwe ga Mfatlha.

1

Kgoro ya Ntladi ke yona e e beng e latela ya Nawa boreng metlheng ya Mfatlha Maila fa ba sa agile Mmabote. Mmabote ke lentswe mo go beng go le motsa. Tswai la kwa Mfatlha e ne e le la ba Mfatlha kwa Thaba-Tshweu, metlheng yela go sa busa Bohosi wa pele Mmankopane kgosi ya ga Laka o kile a yo reka letswai ga Mfatlha ka motsoko.

2

Kgoro ya Ntladi, lapa la pele ke Mmamosweu Setshotlho, Rathokwane le Ntladi, le Ramonyatsi. Lapa la bobedi ke molotsana, Mmanthomang, Mmatsoru, Sebalanyane le Ramonyatsi. Sebalanyane a nyala ga Makgwane. Mmanthomang a nyalwa ga Matsila. Yo mongwe kgaetsadi kwa Ntladi e ne e le Serumula.

Kgoro ya Motlhabane:- Motlhabane a tswala Mabiletsa, Mabiletsa a tswala Ramagutsana, Ramagutsana a tswala Matshebe, Matshebe a tswala Mabiletsa le Sekose. Matshebe Motlhabane a nyala Habanabeng Moatshe.

Kgoro ya Kgwebane - Kgwebane o tswile go Senare Kgosi ya ba Khwebane. Go Khwebane go tswetswe Tsiane. Matsieng le Motlhabane. Kgoro yena ya Khwebane e rile ga ba Mfatlha ba Kgaogana le ba Seleka sa Motlhabedi, go tswa basadi ba Kgwebane ba ne ba dubela metsi. Janong ga tsoga mpherere le mo basading, ke fa ba le kwa tlase ko Morongwe.

3

Ba Tsiane fa ba itheta ba re, ke Tsiananyane e maotwanyana kota, ya nna gana go rongwa ke banyana bo Nthonne.

Ba Maruping fa ba reta ba re, ba-Makau a Mmamotlongwane, o tla swa wa lokologa moswene, ka pelo mpe e bogale.

Ba-Moima fa ba itheta ba re, Sekgwane sa Makgale se go be se na ditshukudu se nna bo-Makgale Mathinthinyane. Moima o tswa thabeng ya Moima.

Go thwe o ne a fapane le monnagwe. A tloga Moima a tla a ira Sekgotshe le Mafora. Mme ka ntwana ya Bakgatla ba kgafela le ba ga Mfatlha, ba Moima le ba Mafora ba thusa ba Mfatlha.

4 Kgoro ya Moima - Moima a tswala Tlhakaungwa, Tlhakaungwa a tswala Sekhwane, Sekhwane yena a tswala Makgajane le Matheko. Makgajane a tswala Marong le Tlojane le Tshetshe. Moima o ile a fiwa mosadi ke Mafora.

Ba Makakaba fa ba itheta ba re, Agee Motshutshumi, Bapedi ba rangwana a Matlou, bana ba Ra-Matome a sego.

Kgoro ya Makakaba e ne e le koto tse pedi. Kgoro ya Ba-Sepako le kgoro ya Ba-Pitse. Ba-Pitse ba ipitsa Ba-pitse, ka ntlha ya gore kgorong ya bona go ne go jewa dinama thata, ke fa ba re rona re ba Motshutshumi a pitsi. Ka baka la mafura a nama.

5 Kgoro ya Matsieng e tswetswe go Kgwebane. Matsieng a tswala Ntshime, Ntshime a tswala Maseka, Maseka a tswala Rantumo, Rantumo mo lapeng la pele a tswala Mikaele le Segale. Mo labobedi Rantumo a tswala Senno, Sennga le Moilwa.

Kgoro ya Matsieng ka molao wa mosate wa Mfatlha ke kgoro e tshwanetseng go nyallwa ke marena, ka gobane ke kgoro e go yona go tswileng mogale, mme a fenyetsa ntwana kwa Kgatleng ya Lentswe. Monna yo ba ne ba re ke Maseka wa ga Mfatlha mmina phuti ngwana Ntshime, ke yena yo a bolaileng Lentswe wa pele kgosi ya Bakgatla ba Kgafela a matshegwa a pitsa sedibelo se re se gakologa sea fisa. Ga ntwana ye e tla thoma go ne go tihabilwe mosadi wa Matsila mmina kwena.

6 Ke fa ba Mfatlha ba tla bolaya Bakgatla merakeng ba ba ba ba lata gae, ba na le kgosana e nngwe ya ba bina kwena ba re ke Pelopedi. Ke gona mo go ileng ga tsoga ntwana. Bakgatla ba bolotsa dira, le Lentswe kgosi ya bona a na le bona. Ke fa Maseka a tla thunya Lentswe mapele, mme a swa ntwana ya fela. Janong ke ga ba mosate wa Mfatlha ba re, kgoro ye e tshwanela go nyalelwa ke ba mosate.

7 Ka jeno ba mosate ba lekile go nyalela kgoro ye. E ne e nyaletswe ke kgosi Ramabele fela mosadi a swa,

janong e nyaletswe ke Tau monna wa mmina phuti Letebele.

Kgoro ya Maruping, go tswile Ramoroko, Ramoroko wa lapa la pele a tswala Phenyane le Kota, mo lapeng la bobedi a tswala Mmaseloko, Mmadilo ka mosadi ba re ke Moloding.

Mo kgorong ya Moima Makgajane o tswetse Marang, Tshetshe le Thojane.

Kgoro ya Molele go tswile Modupe, Mpitsi, Sethaubale, Lobe le Phaladi, ba ntlo e nngwe mo kgorong ke Rampi, le Mmakolobe.

8 Kgoro ya Modimola go tswile Ratotoeyane le Tshiitshii, le Karatsi le Rasape Tshiitshii a tswala Seleke, Mokogo, Maudu le Modikwe. Phasape a tswala Ntho le Sape. Mamosetlwane wa lapa le lennyane a tswala Totoeyane, Hendrike, Jeina, Mamolwa le Shololo.

Mamosetlwane ke yo mongwe wa ba-Modimola ba ileng ba bolaya mosadi Nkwana yo mongwe wa ba Matsila mmina kwena kwa Mafatse. Go thwe ba ne ba molaya gore a ka be a nyalwa ga Modimola ke kgaratsi kgosana ya bona fela mosadi yo yena a gana, a tsewa ga gabo ga Matsila ke Kgwatlhe. Re utlwa gore Kgoro ye ya 9 Modimola ba bina noko, ba ile ba rerisana mo polaong ya mosadi yo wa mmina kwena monnagwe Mmaphatsana wa Matsila a Mokwena. Mme ba ile ba thuntsha mosadi yo bosiu go ntswe mollong. Go thwe sethunyase ne se neilwe ngwana go thuntsha a se filwe ke mokgalabje wa Modimala. Mosadi yo o bolaetswe Khudu tlou mo go beng go agile ba Mfathha ga fa ba tswa Mmamudu ba faladitswe ke tlala le ke go se utlwane le Sekitla kgosi ya Bagwadiba.

10 Re utlwa gore kgosi ya Kwadibeng e ne e re Ba-Mfathha bo-Rabohosi, Mmalebodi le Kobe wa Ntladi ba mo ntshetse nama tsa mmego. Fela ba Mfathha ba gana ba re nang. Ba re, ga re ntshetse Mogwadiba mmego, rona re Matebele a naleli e tshweu, e okametseng Ratumagole le Makgurumula.

Ga ba Mfathha ba tswa Botlhaba-tsatsi ke Marota. Go thwe

Ba Mfatlha le Ba-Seleka ba tswile Moletlane e le ka nako tsa marumo ba thibella kwa thabeng tsa Musiko, mo go thweng ba ile ba bona phuti e tswa moswaneng ba re, rona re ba bina phuti. Phuti ye ba se ke ba e bolaya, ba re ke marumo. Le ka jeno phuti ga e jewe ke ba-bina phuti. Fa ba e eja ba kgumega dimpa.

- 11 Kgoro ya Matsila-Ba-Matsila ba tswetswe ke Sebata, Sebata a tswala Sekati wa pele, Sekati wa pele a tswala Setomelo, Setsomelo a tswala Mokadi le Sello. Go Sello go tswile Kapari ya tswetseng Setsomelo wa bobedi.

Ga ba Mfatlha ba agile Moseka kwa Bopetla-bolla-koma, ba Matsila ba ne ba agile gaufi ka nthago ga Ntsosolo (Thaba). Ba re, ke Ntsosolo maanare ba re, ke thaba ya ba Motshudi o tsholang, motho o tshola je ka mmannaweng le Imannaweng o mo phadile. Go ne go busa Bohosi wa pele morwa Nawa mmina phuti, yo a swetseng gona Mosekeng mo tlase ga setlhare sa morula.

- 12 Go thwe Bohosi wa pele a sa phela o kile a rakelwa ke Bakgatla ba Kgafela, mme re utlwa gore mokgoma wa Matsila, e bang Setsomelo o ntshitse matlalo a dinkwe a le phutha-nngwe, mme a rekolla kgosi go Bakgatla.

Re utlwa gore le Ba-Seleka ba ba tla Ntsosolo go lata motshidi wa go tlotsa mo dikobong. Ka nako ye Ba-Seleka ba ne ba agile Bolepeletsa, kgosi ya bona e le Kobe.

Kobe o kile a etela ba ga Mfatlha. Mme gona Moseka e rile a tloga ba be ba mo neile dimpho x tse ntsi tsa umupudi, letsoku le matlalo a bo-phokobje.

- 13 Kgoro e e beng e na le batho ba nantse ke yona ya Matsila. Mme fa ba agile Ntsosolo Ngwekwana monna wa Matsila a mmina Kwena ya thomileng go ya ga Mmapela. Kwa ga Seleka go ile Lentswe wa Matsila. Go thwe kgoro ye e ne e le maatla mo marumong ka baka la go ata ga yona, mme e ne e sa tsenwe. Re utlwa gore kgoro e e bogale thata ke ya mosate ga Mfatlha.

Kgoro e ngwe ke ya Mmatlhabe, yona re utlwa gore e tswa ga Keledi.

Kgoro e ngwe ke ya Molefe yona e tswa ga Sekeka. Makelepe ngaka ya Mfatlha e tswa lokong le.

14

Setso sa Nawa.

Loko la mosate kwa Mfatlha Maila.

Moswi

Motlhasedi

Tselapedi Seleka I Kobe Kapa ngabi

Khoebane (3) Senare (2) Maila Moima, Tlhakaungoa Seleka II
Sekhoane

Tsiane, Mohlabane
Matsieng

Mfatlha (2) Madioka Tsutsume, Lehako.
Mamosweu Setshotlho, Kutlere
(Mananye)

Naa, Morokolo, Mahase, Moshito, Rathokoane
Ratuboloana Ntladi

Nala

Lebakeng, Serongoane Bohosi I Malebodi Mogagala, Phatsoana, Mpopi,
Katudi, Momoshito
Dikhala Tumogole, Ramabele, Seipupi, Mushi, Tau,
(2) Moneri, Salafi, Moeme, Ntlhaku, Mathole, Lefi.

(2) Mochela- (2) Morola Kgadile, 'Matlang. Seipupi, Chichila,
Kgaugelo

(1) Tselane

Bohosi II Bana, Nkileng, Titose Sebediose, Motlhasedi, Nthonne
Kelaotsoe Piet
Letlape Sekhupi
Mfete Lofi
Lepiki

14 15

Setso sa Nawa.

Loko la mosate kwa Mfatlha wa Maila.

Ka go botsolosa thata re utlwa gore Mazwi o tswile go Ngunda.
Mazwi a tswala Motlhasedi, Motlhasedi a tswala Tselapedi le Maila.

Tselapedi a tswala Seleka I, Seleka I a tswala Kobe (Ngabe)
Kobe a tswala Seleka II, Seleka II a tswala Kutlere (Mananye).

Maila a tswala Mfatlha, Mfatlha a tswala Nawa, Morokolo,
Mahase, Mosito, Ratubolwane le Rakgukgwane.

Nawa a tswala Serongwa le Bohosi I le Nala mosetsana, ka lapa la pele. Ka lapa la bobedi la Nawa ka mosadi Magapane ke Mmalebodi le basetsana ba babedi Mmakgaruru le Mmadinotshe.

Serongwa a tswala Mmatsatsi, fela yena Serongwa a ya le naga ka go tsoma, a se ke a busa. Lebitso la gagwe la leballwa Setshabeng, le ka jeno ga ba rate le gopollwa.

Bohosi I, ga a ka a tswala morwa, e ne e le basetsana fela. Go thwe mosadi wa boraro wa Kgwebane o tswetse Motshela, fela go dumelwa gore e ne e se ngwana wa Bohosi I ka nama, e le wa Moapei ya neng a apeela Bohosi I. Basadi-mogolo bo Mmamotimedi ba re mosadi yo o tserwe a ntse a le seima sa Motshela.

Motshela a tswala Tselane mosadi, Bohosi II, Kalaotswe, Letlape le Mfete. Ka lapa la bobedi ke Morola, Kgadile le Matlang.

Mmalebodi wa lapa la bobedi la Nawa, a tswala Mogagola, Phatshwana, Mpospi, Katudi, le Mmasito lapeng la pele. Ka lapa la bobedi a tswala Mminoru, Salafi, Moeme, Ntlhaku le Mmathole.

Bohosi II ngwana Motshela a tswala Mkileng mosetsana, Titose, Sevediose, Motlhasedi, Nthonne mosetsana, Pitere, Sekgupi, Lofi le Lepiki mosetsana.

Senare le Moima ba tswa go Maila.. Senare a tswala Kgwebane Matsieng, Tsiane, le Motlhabane. Fela Tsiane ke pharogo ya kgoro ya Kgwebane, Tsiane e thomegile Tsiditsane.

Loko la mosadi.

15/16

Moima a tswala Tlhakaungwa, Tlhakaungwa, a tswala Makgajane le Matheko.

Makgajane a tswala Marang le Thojane le Tshetshe.

Go Mfatiha gape go tawile Mamosweu, Mamosweu a tswala Setshotlho, Setshotlho a tswala Rathokwane, Rathokwane a tswala Molotsana, Molotsana a tswala Ntladi.

16cont

Mogagola wa lapa la pele la Mmalebodi a tswala Tumagole, Ramabele, Seipupi mosetsana, Mmusi, Tau le Lefi.

Tumagole a swa a sa nyala, Ramabele a tswala Seipupi II mosetsana, Tshitshila le Kgaugelo.

Kgoro ya Motshela le ya Mogagola ga di ulwane pila boreneng ba tsona. Go utlwagala gore borena bo ne bo ka tshwanela kgoro g ya Mogagola ngwana Mmalebodi, ngwana Nawa tota. Ba neng ba ka rwa borena ka lesika ke bo Morokolo ba ileng Maletse. Ba phatlalletse Lehurutse fa go sa na go swa Boh si I, kwa Mmakefapilwe, ba re ga ba rate go buswa ke Motshela, yo a neng a tla tsaya borena Bamfatlha. Ke fa Mmalebodi a tla mo tshwarella borena, mme e rile Motshela a godile Mmalebodi a mo sutela setulo. Pelaelo ya ba ba ileng Maletse e ne e le gore Motshela ga a tshwanela go ba busa ka gore e ne e se tota ngwana kgosi.

END S 348